

Minister Dowers determina pa cuminza exige responsabilisacion

Edificio biblioteca no ta ni cla y ya caba dak nobo ta dañá pa awa



ORANJESTAD—Airco trahando non-stop pa un edificio enorme bashi, dak nobo cu señal caba di deterioro, sin fecha ki dia e trabounan di renobacion completo lo ta cla. Y si ta pa e Minister encarga Arthur Dowers, un hende mester asumi responsabilidad pa tur esaki.

Ta papia aki di e edificio di Biblioteca Nacional na George Madurostraat, cu tabata practicamente un di e prome dolman di cabez di Minister Dowers na momento di asumi su posicion na 2009. Ayera Dowers a dicidi pa personalmente mira con leu e trabounan di renobacion ta, y e no tabata mucho contento. Su prome comentario tabata cu e airco tabata trahando, sin cu tabatin un solo buki den e edificio. E splicacion cu el a haya ta cu mester traha riba e dak, y tambe e sistema di coriente, y como tal mester paga e airco grandi y no por a sera parti di e edificio, mientras cu trabounan ta tuma luga. Consequentemente, e bukinan y otro material necesario no por a keda na e biblioteca den Madurostraat.

E Minister no tabata nada contento, particularmente pasobra e airco a sigui traha totalmente por nada, te hasta ora cu a kita parti di e dak. Segun e Director di Biblioteca Nacional Sra. Astrid Britten, e instruccion cu el a haya di DIP cu ta encarga cu mantencion di tur edificio di Gobierno ta pa no mishi e airconan. E unico autorisa pa mishi e airconan ta e compania cu a instala nan y como tal, e no sa pakico a laga e airconan traha toch. Despues di a observa e parti di prome piso, Minister Dowers a subi pa wak con e trabou di cambia e dak ta progresando. Aki el a tuma nota di otro asunto cu ta preocup'e. Parti di e dak nobo, recién pon'i ya a cuminza duna muestra di deterioro. Esaki pasobra awa a acumula y ya a afecta

e lodoriet. Minister Dowers a bisa cu e lo hala atencion di DOW riba e asunto, pero ta comprende cu diseño di un dak plat, combina cu areanan unda e dak ta caba den un muraya no ta yuda e situacion tampoco. Diseñonan asina hopi biaha ta resulta despues cu dak ta lek cu tur su consecuencianan.

RENOBACION

E renobacion a keda parti di fase. E prome ta cambio di dak, y unbes cu esaki ta cla lo cuminza cu trabounan di coriente, y verf entre otro. "Practicamente nos ta den un reconstruccion completo." Te ainda no a caba cu e destaho pa e trabou di coriente, y e Director a informa Minister Dowers cu DOW, encarga cu supervision di e trabounan, a inform'e cu ta cuestion di dia. Henter e proyecto di renobacion di edificio di Biblioteca Nacional a conoce un retraso pa motibo di e yobidanán pisa di ultimo lunanan. Minister Dowers tin comprension pa esey. Locual e no ta comprende si, ta pakico tin forma con ta asumi responsabilidad, ni awor aki. E airco send'i ta un ehempel, pero tambe e hecho cu a laga e edificio atras cu yen di sushedad, sin cu tin mester. Na momento cu a desaloha e edificio, por a haci un trabou completo dor di benta afo locual no mester mas. E Minister no tabatin nada bon di bisa cu a laga computer bieue y otro papel benta den e gangnan. Te hasta a laga matanan atras. Tur esaki, mientras cu un cantidad di trahado di Biblioteca Nacional tabata traha solamente un par di ora pa dia despues cu a sera e edificio. "Nan por a haci henter e luga limpi. Pakico mester warda te ora cu e edificio ta cla," tabata su comentario ora cu e tabata observa.

Arthur Dowers ta bisa cu ta unacceptable cu instancianan



publico, for di DIP te na un plan structural, sin mester Biblioteca Nacional mes a warda pa edificacionan publico permiti e situacion bay asina for di man cu a haci cu awe e edificio ainda no ta den servicio pa publico. "Tabatin

E airco send'i ta un ehempel, pero tambe e hecho cu a laga e edificio atras cu yen di sushedad, sin cu tin mester. Na momento cu a desaloha e edificio, por a haci un trabou completo dor di benta afo locual no mester mas.

airco cu nunca a keda bon instala y tabata fria e plafond y no e edificio. Tabatin hasta mata ta crece riba dak di Biblioteca, cu ta ilustra cu simplemente no tabatin mantencion den pasado. Nos mester percura cu den futuro e cosnan aki no pasa mas. DIP mester a percura pa e situacion no a bay asina leu." Di otro banda, e Director di Biblioteca Nacional a bisa cu e responsabilidad di mantencion no ta den su man, y cu apesar di a haci hopi peticion, e contesta di semper tabata cu "no tin placa pa mantencion." Minister Dowers mes ta kere cu ta cuestion di traha a base di

conduci cu por ehempel e warda di polis unda ta otorga rijbewijs tambe ta den mal estado. "E ta un situacion tragico pa mira cuanto placa pueblo ta pone na disposicion, mientras cu no tin un sentido di responsabilidad pa esnan cu ta haya pago pa cumpli cu nan trabou." Minister Dowers a bisa cu en todo caso, lo tin un investigacion pa determina ken a laga e edificio di biblioteca cay den otro asina, y a base di esey, lo determina ken tabata responsabel y lo tuma paso. Mescos lo pasa cu otro edificacionan cu ta cay bou su maneho.